

江戶。高子直廣高書子長廣去歲公為太神君

建言。今諸藩巨室皆納任子。因自為稱首。至明年冬。

四方畢至。稱為證人。於是列國巨室翕然服從。不復

懷貳心。後年大阪之難。所以無不駿奔也。鞆橐之後。

政化浹洽。諸侯稱臣。名分大定。不復用賓禮。至寬文

五年。乃皆罷歸證人。凡證人率間歲來代。而罷。五月。賦諸侯

城丹波篠山。公助役督工。備山陰道要衝也。八月。遣

將士戍淡路島。以脇阪中務大輔安治徙封伊豫大

洲也。九月。籍沒南海四國巨艦。時諸侯多造戰艦。若

將有事者。太神君下令定法。其過制者致諸淡路。

使我收焉。擇為官船。餘悉毀之。十五年庚戌。閏二月。

賦諸侯脩龜山城。公董工。獻材造天守樓。亦山陰要

害也。十六年辛亥。正月。脩拓津城南郭鑿渠。以通舟

船。用其土築高垣。以為羅城之固。今稱中島塙是也。

又東北郭欲環濠。通潮以利市民。既疆理之時。諸侯

多擴城池。土木繁興。官遂立禁。不盡成而止。上野城

既建天守樓。遂又浚湟。修壘。其功亦至半而止。三月。

太神君西上。大阪公來會于二條城。公與播磨少將

輝政赴鳥羽迎之。七月。太神君以皇宮規小。

脩拓之。公與諸侯助役。十月。公銜命如肥後。先是六

月加藤肥後守清正卒。嗣子忠廣尚幼，故往按撫，修其政刑，措置得所。國人安堵，遂巡按九國，監察諸侯軍國事。十七年壬子正月，東下復命，呈九國地圖，指陳其利病，皆稱旨。藩職世監西諸侯，稱西國御用者。蓋由此賜履之命也。十八年癸丑正月，重脩宮賦役於三十四侯。公與焉。十月，遣新七郎良勝、成守和島、富田信濃守知信有罪，封除。以我舊封承役也。公稟遣良勝。太神君曰：「可哉！吾聞名舊矣。」良勝年甫十三，從軍。大小數十戰，無戰不效。功食祿五千石。公命二萬石，邑固辭，弗受。抑遜下士，未嘗矜伐。實

爲元功宗臣也。十九年甲寅四月，重脩江戶城。公助牙城之役。時太神君來在江戶，屢引公密議。蓋以大阪公旣長，大野治長等潛蓄異圖，密散金帛，招客募士，修城壘，繕甲仗，欲胥時而舉事也。八月，方廣寺鐘銘咒詛之獄興。治長遂勸大阪公決焉。廣募天下之兵，移檄諸侯招之。於是庚子之亂失封者，及逐客游士爭歸，至衆六萬。自謂恢復之功，可唾手而致矣。然凡有爵邑者，無一人應焉。十月，幕府定議西討。下令諸道徵兵。四日，公發江戶。人未知有事，見行色非常，皆驚。六日，抵駿府，留二日。太神君命爲先鋒。

大將帥大和諸侯并伊掃部頭直孝以兄右近大夫直勝病攝師爲台德大君先鋒十一日公入藩閔兵馬定軍令十三日抵上野渡邊了將左軍仁右衛門高刑將右軍步騎六千行伍修妮十七日進次木津十九日宮內少輔高吉自今治至爲中軍將二十三日太神君入京召公議軍政披大阪地圖指授置營方略對曰兵貴因敵轉化不可必拘于約束敢願勿罪焉太神君曰臨機應變我不如卿也二十六日入河內屯國府大和諸侯來會焉二十八日進逼大阪廝徒有侵村家行劫略者嚴正典刑無復一

介取諸民焉台德大君尚在途是日賜手書曰大軍滯重不能趨急願卿爲我請大人無遽進伐必俟往會焉勿令吾不及事蓋以關原之役愆期故有此言也時諸侯皆屯於住吉堺浦之間公獨進陣住吉祠北監使以違約束爲言公曰某相地占利負叢林據邱陵左陂池右海岸唯前一面受敵易制也若以僨事我任其罪耳諸侯聞之亦皆從徙焉二十九日曉霧晦冥有兵過我營下衆聞甲馬聲奮欲遮擊渡邊了以爲誘騎恐有伏固止之蓋熊野新宮人掘內氏弘應大阪募而至了見其入城始悟之或曰氏

三百欲劫掠堺府畏我師在此俄奔而回迷霧過營下也又或曰新宮兵堀內氏弘等欲燒堺街率兵出城霧深不辨途在我營前待晴云衆大悔怒了之失機公謹了免帥

命良勝自宇和島來代之十一月二日福島氏亡臣

福島長門亦應募而至不知我在此舍舟上岸我兵

邀擊殲之梟首于住吉或曰是日遣高刑等視平野

口左馬助弘定率兵鹵掠邑里見我旗至駭走入城追之不及收其所棄器械而反六日夜敵

將大野道見縱火天王寺以擾我軍營部伍整肅為

之不動十一日遂進兵於天王寺就焦墟下營四方

諸侯師水陸相繼皆至旌旗蔽空兵總五十萬繞郊

而陣其夜公進傳城諸侯師繼之十九日公攻生玉

門起堙樓三座守將戶田家正開門出戰前徒擊卻

之是為攻城第一戰二十一日夜大野治長遣人齎

大阪公書陽為迷路彷徨於越前營下邏兵執之稱

適我使探懷得其書擬復我者曰反應之策予甚嘉

焉功成封大國餘亦卿所欲也獻諸幕庭一鞠即

承大野主馬首治房之士吉川某者也太神君笑

以為兒戲召公賜其人并書曰敵惡我任卿欲離間

之祇足以益固交耳宜加顯戮放還以懲將來也公

深感戴恩旨黥其額截手足指紙旗畫治長花號插

諸背棄之城門前暴終日治長深愧之至夜潛昇入

城彼我皆嘲笑焉。往者了之失候逸敵也。輿議誼囂。猜其懷貳。公懼呈誓書請解職。太神君曰。吾能知卿之無貳。何恤乎人言。蓋治長聞之。因行反間也。晦我軍攻豐志谷。公弟出雲高清有功。十二月朔。諸侯圍城愈急。伊達陸奧守政宗陣于船場。敵起砲樓射之。飛丸霰集。幾不支。公與伊達氏善。率弓銃精手往救。立殪數人。敵皆怖而下。遂得保其營。時諸侯師排竹盾薄城。我軍最先距濠數步。太神君稱其巧捷。諭尾張參議義直。遠江參議賴宣來觀焉。敵城上樹茜紅幡。公命銃師米村勘左衛門一長試射之。斷竿。

幡飄墜于濠。台德大君嘆稱其絕技。蒙命進奉秘錄。四日城中失火。延燒譙櫓。時敵將南條忠成守谷町口。我識其叔父隱岐射書誘之。叔姪合謀密約納師。潛斷陣柱。剋以是日。事覺被族敵相謀。仍留其旂。以待及期。誤失火於硝櫃。加賀越前彥根師錯認爲號火。遽爭進攻。真田左衛門佐信仍叢銃齊發。麾衆奮擊。三國師大困。死傷數百人。太神君怒其跳盪。馳行人戰之。公益有所見。獨按甲不動。太神君嘉嘆。而野史言我首先進遇銃。五日復攻豐志谷。守將織田長賴部兵忿鬪。交刺。朋儕互援。大致騷擾。長賴不

能制良勝高刑乘機而進肉薄急攻幾將破之敵發諸部來救公度不易拔親吹海螺歛兵士卒從命若臂使指觀者莫不嘆稱焉六日太神君移營于茶磨山台德大君來會召公議事八日太神君勞諸侯各賜銀十萬錢公獨倍之往上軍穀一萬石故特加賜云十一日承命募礦夫鑿地道以墮樓櫓梅原勝右衛門武政督役施板楮柱橫穴而入過湟至砌壁之下功垂成會和議作而止是役我士陣亡者騎士匹田勘左衛門喜右衛門遠武三塚彦九郎及陪臣賴重岸田先是太神君遣使行成因諭定約宜撤外壘填周池以明

無他志不則避城徙封蓋慮其恃堅城復生事也二十一日大阪公遣使奉約蒞盟二十四日大野治長等來拜盟公與本多佐渡守正信相禮諸侯遂各發卒毀壘湮塹公視役管平右衛門有直忤旨賜死有直淡路巖屋城主朝鮮之役與公同將水軍加藤氏之論功有直與脇阪中務左袒於公庚子之亂失邑歸我給五千石為散將以剽悍取禍人咸惜之

289.1

1

律條錄

卷上


律條錄卷上

幸脩錄

下

289.1
2

0 1 2 3 4 5 6 7 8 9 10



聿脩錄卷下

從四位下行侍從藤原朝臣高允撰

元和元年乙卯正月 太神君 台德大君相繼振
旅公殿焉二十四日至自大阪二月論功賞賜將士
有差先是伊達遠江守秀宗封宇和島良勝致城而
歸高吉尚留在今治後至寬永乙亥乃歸凡二十有
八年矣三月大阪公再舉兵客冬請和之後大野治
長等猶尚倔彊異圖日急潛傳檄復募兵四方游士
烏合并舊得兵十五萬遂脩治塹壘部署將校嬰城
以守畿內騷然 幕府馳檄發諸道兵公復為先鋒

井伊掃部頭直孝繼之。四月二日。公發藩。五日入淀。脩故城。據之以捍衛京師。時都人相驚曰。大阪寇至。又曰。潛差兵縱火。九衢騷動。公令良勝監舟路。置吏守淀橋。訛言乃止。太神君。台德大君相繼西上。公往謁。太神君詢戰略。公對曰。敵勢孤弱。且塹壘填夷。莫能支。已但急攻。費力宜遠於城。而屯俟其出。逆戰。乘一勝之利。大軍以壓之。摧枯之易耳。太神君抵掌曰。正與我意符。二十五日。公發淀城。客冬之役。公孤軍進次天王寺。無救應之憑。敵將郡主馬良列等謀乘夜襲擊。而公屢移營。動靜無端。行止有節。

機密跡。神使人莫測。敵狐疑。弗果。於是欲攻。我不意。公臨發。淀下令曰。今夜須至沙下營。謀者還報。大野治房將精兵二千。伏沙以待。公故緩行。未至里餘。而舍治房失計。公欲追擊。去既遠。乃止。治房移兵劫郡山。而還。二十七日。抵沙。敵置戍卒守佐田堡。翌夜。良勝等掩取之。次沙數日。爲幕府相攸築營。以邀駕。爲淹留之計也。太神君至。甚嘉悅焉。五月五日。公移屯于千塚。六日。公及掃部與長曾我部宮內盛親。木村長門重成。戰於若江八尾之間。大破之前夜。太神君命公及掃部。詰朝須向道明寺進師。以敵將